

Bosna i Hercegovina  
Federacija Bosne i Hercegovine  
Kanton Sarajevo



Bosnia and Herzegovina  
Federation of Bosnia and Herzegovina  
Canton Sarajevo

Općina Stari Grad Sarajevo  
Općinski Načelnik

Municipality of Stari Grad Sarajevo  
Municipality Mayor

Na osnovu člana 363. Zakona o stvarnim pravima («Službene novine Federacije Bosne i Hercegovine», broj 66/13, 100/13), članova 2. i 3. Pravilnika o postupku javnog konkursa za raspolaganje nekretninama u vlasništvu Federacije BiH, Kantona, Općina i Gradova («Službene novine Federacije BiH» broj 17/14), člana 7. Odluke o građevinskom zemljištu Općine Stari Grad («Službene novine Kantona Sarajevo», broj 7/15) i Odluke o načinu i uslovima prodaje nekretnine u vlasništvu Općine Stari Grad Sarajevo za izgradnju zamjenskog stambenog objekta u ulici Čadordžina broj 34, u obuhvatu Regulatornog plana «Logavina», («Službene novine Kantona Sarajevo broj 27/22), Općinski načelnik Općine Stari Grad Sarajevo, objavljuje

#### JAVNI KONKURS

o načinu i uslovima prodaje nekretnine u vlasništvu Općine Stari Grad Sarajevo za izgradnju zamjenskog stambenog objekta, u ulici Čadordžina broj 34, u obuhvatu Regulatornog plana Logavina

#### PREDMET JAVNOG KONKURSA

Raspisuje se Javni konkurs za prodaju neizgrađenog gradskog građevinskog zemljišta označenog kao k.č. broj 1558, po kulturi kuća i dvorište, površine 271 m<sup>2</sup>, k.o. Sarajevo III, sa upisanim pravom vlasništva Općina Stari Grad Sarajevo sa dijelom 1/1, što po novom premjeru odgovara k.č. broj 1558 k.o. Sarajevo III, sa upisanim pravom posjeda u korist Općine Stari Grad Sarajevo sa dijelom 1/1.

#### NAKNADA

Naknada za pogodnosti gradskog građevinskog zemljišta - renta za korisnu površinu za III (treću) zonu iznosi 57,33 KM/m<sup>2</sup>. Korisna stambena površina objekta je cca 174 m<sup>2</sup>, dok je površina predmetnog objekta i objekta koji se ruši P= 180 m<sup>2</sup>. Korisna površina zamjenskog stambenog objekta i stambenog objekta koji se ruši je cca ista površina, te nema obračuna gradske rente. Početna tržišna prodajna cijena nekretnine u površini od 271 m<sup>2</sup>, vezano za procjenu stalnog sudskog vještaka, a prema procjeni Komisije za utvrđivanje prometne vrijednosti nepokretnosti i prava za III (treću) zonu stanovanja procijenjena je na 1.850,00 KM /m<sup>2</sup>, odnosno 232.150,00 KM za ukupnu površinu parcele od 271 m<sup>2</sup>. Kapara od 10% od početne tržišne cijene naknade za zemljište iznosi 23.215,00 KM i položit će se na depozit Općine Stari Grad Sarajevo.

#### PRIJAVA NA JAVNI KONKURS

Prijavu na Javni konkurs mogu podnijeti sva pravna i fizička lica. Prvenstvo prilikom prodaje zemljišta radi izgradnje zamjenskog stambenog objekta ima onaj ponuđač koji ponudi najveću cijenu u odnosu na početni iznos naknade navedene u konkursu. Prijava na Javni konkurs - licitaciju, podnosi se na protokol Općine Stari Grad Sarajevo, ili putem pošte na adresu Općine Stari Grad Sarajevo, ul. Zelenih beretki broj 4, sa naznakom „Ne otvaraj - prijava na konkurs“, sa naznačenom šifrom učesnika Javnog konkursa.

Javno otvaranje prijave na Javni konkurs, obaviti će se dana 07.03.2023. godine, u zgradi Općine Stari Grad Sarajevo, ul. Zelenih beretki broj 4, u Sali 2, sa početkom u 16:15 sati u prisustvu zainteresiranih učesnika konkursa ili njihovih punomoćnika i članova Komisije. Dodatne informacije o Javnom konkursu mogu se dobiti u Općini Stari Grad Sarajevo putem Službe za imovinsko pravne, geodetske poslove i katastar i stambene poslove.

Ovaj Javni konkurs je objavljen dana 17.02.2023. godine, u dnevnim novinama Dnevni avaz, na web stranici Općine Stari Grad Sarajevo ([www.starigrad.ba](http://www.starigrad.ba)) i Oglasnoj tabli Općine Stari Grad Sarajevo, i ostaje otvoren 15 dana od dana objavljivanja, zaključno sa 15-im danom. Kompletan tekst javnog konkursa može se pročitati na općinskoj web stranici [www.starigrad.ba](http://www.starigrad.ba), sekcija "javni pozivi, konkursi i oglasi".

**Uredno kovertirane prijave sa naznakom:** "Prijava na javni konkurs o prodaji nekretnine u vlasništvu Općine Stari Grad Sarajevo za izgradnju zamjenskog stambenog objekta u ulici Čadordžina broj 34 sa naznakom - NE OTVARAJ, dostaviti preporučeno putem pošte ili neposredno na protokol Općine Stari Grad Sarajevo najkasnije do 06.03.2023. godine do 16:00h, na adresu: OPĆINA STARI GRAD SARAJEVO, Komisija za provođenje Javnog konkursa, Ul. Zelenih beretki broj 4, 71 000 Sarajevo.

Broj: 01-04-4-593/23  
Sarajevo, 17.02.2023. godine

Općinski načelnik  
mr. Ibrahim Hadžibajrić

Sarajevo, Zelenih beretki 4,  
Centrala: 033/282-300, Info pult: 033/282-422

[www.starigrad.ba](http://www.starigrad.ba)  
[info@starigrad.ba](mailto:info@starigrad.ba)



JP ELEKTROPRIVREDA BIH

d.d. - Sarajevo

Podružnica "Elektrodistribucija", Bihać

Na osnovu odluke Direktora o poništenju dijela javnog oglasa za zapošljavanje novih radnika u Podružnici „Elektrodistribucija“ Bihać broj: 5174-1 od 15.02.2023. godine, Javno preduzeće Elektroprivreda Bosne i Hercegovine d.d. - Sarajevo, Podružnica „Elektrodistribucija“ Bihać objavljuje

#### OBAVJEŠTENJE

Podružnica „Elektrodistribucija“, Bihać obavještava zainteresovane kandidate da je javni oglas za zapošljavanje novih radnika na neodređeno vrijeme i angažiranje (zapošljavanje) pripravnika na određeno vrijeme, koji je objavljen dana 04.01.2023. godine u dnevnim novinama „Dnevni Avaz“ i na web stranici Društva, poništen u dijelu kojim je oglašena potreba za zapošljavanjem radnika na sljedeća radna mjesta:

1. Tehničar za pristup mreži u Odjeljenju za pristup mreži u Poslovnoj jedinici distribucije Velika Kladuša, mjesto rada Velika Kladuša, 1 izvršilac, radno mjesto sa posebnim uslovima rada
2. Tehničar za pristup mreži u Odjeljenju za pristup mreži u Poslovnoj jedinici distribucije Cazin, mjesto rada Cazin 1 izvršilac, radno mjesto sa posebnim uslovima rada

Direktor kao lice ovlašteno za odlučivanje o zapošljavanju novih radnika će naknadno odlučiti o potrebi ponovnog objavljivanja javnog oglasa za radna mjesta: Tehničar za pristup mreži u Odjeljenju za pristup mreži u Poslovnoj jedinici distribucije Velika Kladuša i Tehničar za pristup mreži u Odjeljenju za pristup mreži u Poslovnoj jedinici distribucije Cazin.



Bosna i Hercegovina, Federacija Bosne i Hercegovine, AGENCIJA ZA DRŽAVNU SLUŽBU  
Босна и Херцеговина, Федерација Босне и Херцеговине, АГЕНЦИЈА ЗА ДРЖАВНУ СЛУЖБУ  
Bosnia and Herzegovina, Federation of Bosnia and Herzegovina, CIVIL SERVICE AGENCY

Na osnovu člana 24. stav (3) Zakona o državnoj službi u Federaciji Bosne i Hercegovine („Službene novine Federacije BiH“, broj: 29/03, 23/04, 39/04, 54/04, 67/05, 8/06, 4/12, 99/15 i 9/17 - Presuda Ustavnog suda Federacije Bosne i Hercegovine broj: U-13/16), člana 1. Zakona o preuzimanju Zakona o državnoj službi u Federaciji Bosne i Hercegovine („Službene novine Zeničko-dobojskog kantona“, broj: 3/12) i člana 5. Pravilnika o pravilima i postupku provođenja javnog konkursa i postavljenja državnih službenika u organima državne službe Federacije Bosne i Hercegovine („Službene novine Federacije BiH“, broj: 13/19), a na zahtjev Ministarstva za rad, socijalnu politiku i izbjeglice Zeničko-dobojskog kantona, Agencija za državnu službu Federacije Bosne i Hercegovine, objavljuje

#### PONIŠTENJE JAVNOG KONKURSA

za popunu radnih mjesta državnih službenika u Ministarstvu za rad, socijalnu politiku i izbjeglice Zeničko-dobojskog kantona

Poništava se Javni konkurs za popunu radnih mjesta državnih službenika u Ministarstvu za rad, socijalnu politiku i izbjeglice Zeničko-dobojskog kantona, objavljen u „Službenim novinama Federacije BiH“, broj: 72/22 od 9.9.2022. godine i u dnevnim novinama „Dnevni avaz“ i „Oslobođenje“ od 8.9.2022. godine i na web stranici Agencije za državnu službu Federacije Bosne i Hercegovine, za radna mjesta:

01. Stručni savjetnik za normativno-pravne poslove i poslove revizije rješenja o pravima iz oblasti socijalne zaštite, zaštite civilnih žrtava rata i zaštite porodice sa djecom - 1 (jedan) izvršilac
02. Stručni saradnik za organizovanje i koordinaciju aktivnosti obnove i rekonstrukcije infrastrukture u mjestima povratka - 1 (jedan) izvršilac
03. Stručni saradnik za poslove humanitarne djelatnosti - 1 (jedan) izvršilac

**Obrazloženje:** Javni konkurs se poništava na zahtjev Ministarstva za rad, socijalnu politiku i izbjeglice Zeničko-dobojskog kantona broj: 09-30-19140-3/22 od 9.2.2023. godine, u kojem je navedeno da je na snazi Zaključak Vlade Zeničko-dobojskog kantona broj: 02-30-19140/22 od 26.12.2022. godine, o obustavljanju svih postupaka novog zapošljavanja.

DIREKTOR

Refik Begić, magistar uprave

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINSKI SUD U GRAČANICI  
Broj: 27 0 Mal 051080 22 Mal  
Gračanica, 30.11.2022. godine

#### DOSTAVA TUŽBE NA ODGOVOR

Na osnovu člana 348. stav 3., 4., 5. Zakona o parničnom postupku FBiH tuženom Adnanu Čenanoviću iz Gračanice, Mehmeda Vehbi ef. Šemsekadića broj 7, dostavlja se tužba podnesena od strane tužioca „MKD „Mikrofin“ d.o.o. Banja Luka, ul. Vase Pelagića 22., Banja Luka, radi duga, vrijednost spora 1.576,06 KM na obavezni odgovor, putem dnevnih novina Avaz — roto press a tuženi se poučava o sljedećem:  
-da ste dužni sudu dostaviti pismeni odgovor na tužbu najkasnije u roku od 30 dana od dana dostavljanja tužbe u dovoljnom broju primjeraka za sud i suprotnu stranu -pismeni odgovor na tužbu mora da bude razumljiv i da sadrži sve ono što je potrebno da bi se po njemu moglo postupati, a naročito treba da sadrži:

- 1.Oznaku suda, ime i prezime, odnosno naziv pravnog lica, prebivalište ili boravište, odnosno sjedište stranaka, njihovih zakonskih zastupnika i punomoćnika, ako ih imaju, predmet spora, sadržaj izjave i Vaš lični potpis ili potpis Vašeg zakonskog zastupnika, odnosno punomoćnika, a ako ga budete dostavljali elektronskom poštom mora biti ovjeren kvalifikovanim elektronskim potpisom (član 334. stav 4. ZPP-a FBiH).
  - 2.U odgovoru možete istaći i moguće procesne prigovore koji se ne mogu isticati nakon što dostavite odgovor na tužbu, odnosno sud isti ne primi (npr. prigovor mjesne nenadležnosti suda iz člana 19. stav 1. u vezi sa odredbom člana 72. ZPP-a FBiH).
  - 3.Jasno izjašnjenje da li priznajete ili osporavate postavljeni tužbeni zahtjev (član 71. stav 1. ZPP-a FBiH).
  - 4.Ukoliko osporavate tužbeni zahtjev, odgovor na tužbu mora da sadrži i razloge iz kojih se tužbeni zahtjev osporava, činjenice na kojima tuženi zasniva svoje navode, dokaze kojima se utvrđuju te činjenice te pravni osnov za navode tuženog (član 71. stav 2. ZPP-a FBiH).
  - 5.Tuženi može u odgovoru na tužbu, a najkasnije na pripremnom ročištu, da podnese protivtužbu (član 74. stav 1. ZPP-a FBiH).
  - 6.Uz isprave, koje podnosite uz odgovor, a koje su sastavljene na stranom jeziku, dužni ste podnijeti i ovjeren prijevod (član 134. stav 2. ZPP-a FBiH)
  - 7.Ukoliko predlažete da se kao dokaz provede saslušanje određeno lica kao svjedoka, morate navesti o čemu treba da svjedoči (okolnosti na koje predlažete da se sasluša), njegovo ime, prezime, ime jednog roditelja, boravište (član 137. stav 3 ZPP-a FBiH). Ukoliko Vaš odgovor na tužbu koji dostavite bude nerazumljiv ili nepotpun ili ne bude predat u dovoljnom broju primjeraka za sud i suprotnu stranu, vrtiće Vam se na ispravku i dopunu u određenom roku (član 336. ZPP-a FBiH).
- Ako Vaš odgovor na tužbu ne dostavite u zakonom određenom — ostavljenom roku koji je naprijed naveden, snositi ćete posljedice zbog propuštanja te radnje, odnosno zakazati će se pripremno ročište po isteku tog roka, a ako je tužilac predložio donošenje presude zbog propuštanja takva presuda će se donijeti (član 182. stav 1. ZPP-a FBiH). Dostava tužbe se smatra obavljenom protekom roka od 15 dana od dana objavljivanja (član 348. stav 4. FBiH).

STRUČNI SARADNIK  
Dženana Brkić